



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nomenclator Sanctae Romanae Ecclesiae Cardinalium Qvi  
Ab Anno Christi Millesimo quippiam commentati sunt, Sev  
Ab Eo Tempore quo Pontificis electione ad eos tantum ob  
Romani cleri multitudinem ...**

**La Rocheposay, Henri-Louis Chasteigner de  
Tolosae, 1614**

A Clemente VIII. Creati.

**urn:nbn:de:hbz:466:1-10735**

De Sacramentis Ecclesiæ in genere.

De Sacramento Eucharistiæ.

De authoritate Sacerdotum per Sacramentum penitentia.

De sacrificio Missæ.

De Purgatorio & oratione pro defunctis.

De Indulgentiis.

De Prædestinatione.

De imaginibus.

De intentione Papæ in erigendis seminariis contra librum ab hereticis in lucem emissum sub nomine Iustitiæ Britannicæ.

Bibliaque è latino in Anglicum Idioma transtulit. Romæ iacet in Ecclesia Sanctissimæ Trinitatis nationis Anglicanæ cum hoc Epitaphio.

*Deo Trino & Vni. Guillelmo Alano Lancastriensi S. R. E. Presbytero Cardinali Angliæ, qui extorris à Patria perfunctus laboribus diuturnis in orthodoxa religione tuenda, sudoribus multis in seminariis ad salutem Patriæ instituendis, fouendis, periculis plurimis, ob Ecclesiam Romanam opera scriptis, omni corporis & animi contentione defensam; Hic in eius gremio sciëntiæ, pietatis, modestiæ, integritatis famâ, & exemplo clarus, ac pius omnibus charus occubuit 17. Kal. Nouembris anno ætatis 63. exilii 33. salutis humanæ 1594.*

---

*A CLEMENTE VIII. CREATI.*

FRANCISCVS TOLETVS Cordubensis Cardinalis, Societatis IESV Theologus, quæ citra assentationem diuinâ prospicientia ad huius seculi propullandas hæreses commodum, exorra videtur. scripsit ex culto eloquio

& perpolitò, quantum per argumenta scriptionis licet,  
Introductionem ad Logicam.  
In Logicam Aristotelis.  
In 8. Libros Physicorum.  
In lib. de Generatione & corruptione.  
In libr. de Anima.  
In Euangelium D. Ioannis.  
In 12. capita Euangelii D. Lucae.  
In Epistolam ad Romanos.  
Summam casuum conscientiae.  
Sermones 15. in Psalmum 1. & 30. & in duo Epi-  
stolae ad Romanos loca tractatus.  
Item Concionum tomos aliquot. Romae ut te-  
stamento cauerat sepultus est in Ecclesia S. Ma-  
riae Maioris cum hoc Epitaphio.

*D. O. M. Francisco Toletò Cordubensi S. R. E. Pres-  
bytero Cardinali summo Theologo, Verbi dei Prædicatori  
eximio, in rebus magnis agendis consilio & prudentiâ singu-  
lari, qui ob excellentem virtutem & merita præclaro Cle-  
mentis 8. Pontificis Maximi iudicio, primus in Societatem  
Iesu amplissimam dignitatem intulit. Vixit annos 73.  
menses xi. dies x. Obiit anno 1596. die 14. Septembris,  
Sancta Dei genitrice herede institutâ, presbyteris qui ad e-  
ius altare missas celebrant censum perpetuo attribui iussit.  
Benedictus Iustinianus, & Petrus Aldobrandinus Cardi-  
nales executores testamentarii, Collegæ optimo, & capitu-  
lum & Canonici huius Basilicæ viro amplissimo & optimè  
de se merito posuerunt.*

FRANCISCVS MARIA Taurusius Politianus ex  
Archiepiscopo Auenionensi Cardinalis, Annalium

Ecclesiasticorum Cardinalis Baronii priores Tomos Italicè reddidit. Obiitque anno 1608.

CÆSAR BARONIVS Soranus, prisca & integritatis Cardinalis, virtutum omnium pietatisque præfertim, quæ inter eas familiam ducit, exemplar absolutissimum, cuius in dies fama copiosius integrascit, obtruso spectabilis præfulatus accremento inuitè nobilitatus, nil profus à pristina vitæ instituto declinauit, principisque loci Leonis xi. decessu, interuacantis spem obiectam & indubiam, vel absque conuulsione suffectionem oblatam, cum magna suffragiorum pars in illum inclinaret, tantâ animi contentione refugere se adsignificauit, vt inanis ambitus omnino expers, & caducis spernendis honoribus validissimus, seriò ab omnibus diiudicatus sit. Misit in æuorum perennitatem.

Notas in Martyrologium Romanum disquisitis obseruationibus interstinctas.

Paræneticam instar voluminis Epistolam ad Rempublicam Venetam.

Annaliumque Ecclesiasticorum Tomos 12. spissum opus & operosum cui gloriose immortalis est, Tomo 12. à decessu ipsius edito.

1.

Aduentu Domini nostri Iesu Christi, perducitur vsque ad Traiani Imperatoris exordiū, complectitur annos 100

2.

Exordio Traiani perducitur vsque ad Imperium Constantini, complectitur annos 205 sextum ex parte attingit.

3.

Imperio Constantini perducitur vsque ad Constantii obi-

		tum, complectitur annos 66. sextum ex parte attingit.
4.		Imperio Iuliani Apostatae per- ducitur vsque ad obitum Theodosii continet annos 34.
5.		Anno Christi 365. perueniens vsque ad 440. continet annos 45.
Tomus. 6.	incipiens ab	Anno Christi 440. perueniens vsque ad 518. continet annos 78.
7.		Anno Christi 518. perducitur vsque ad annum 590. conti- net annos 73.
8.		Anno 590 perueniens vsque ad 714. continet annos 124.
9.		Anno 704. perueniens vsque ad 842. continet annos 128.
10.		Anno 843. perducitur ad annū 1000. inclusiue, continet an- nos 158.
11.		Anno 1001. perducitur ad annū 1099. inclusiue, continet an- nos 99.
12.		Anno 1100. perducitur ad an- num 1198. continet annos 98.

Romæ iacet in æde S. Mariæ de Vallicella cum hoc Epitaphio, Cardinali Taurusio etiam communi.

*D. O. M. Francisco Mariæ Taurusio Politiano, & Casari Baronio Sorano ex Congregatione Oratorij, S. R. E. presbyteris Cardinalibus, ne corpora disjungerentur in morte, quorum animi diuinis virtutibus insignes, in vita coniunctissimi fuerant, eadem Congregatio vnum utrique monumentum posuit. Taurusius vixit annos 82. menses 9. dies 14. Obijt 3. Idus Iunij 1608. Baronius vixit annos 68. menses 8. Obijt pridie Kalendas Iulij 1607.*

FRANCISCVS MANTICA Vtinensis Cardinalis, Iurisprudētiam Patavii summa cum gloria publicè professus est, scripsitque

De Coniecturis vltimarum voluntatum libros 12.

De tacitis & ambiguis conuentionibus lib. 27.

Obiit anno 1614.

DOMINICVS TVSCVS Regiensis, ex Episcopo Tyburtino Cardinalis aduersatricis fortunæ insultus paruipendens infracto semper constitit animo, cumque vniuersâ iuris scientiam in numerato haberet; scripsit instar Repertorii

Practicarum Conclusionum Iuris in omni foro frequentiorum tomos 8. prægrandes. Viuit hoc anno 1614. eruditionique etiamnum (vt autumno) quamuis inclinata iam ætate & ad occasum vergente pro viribus consulere pergit.

ARNALDVSS OSSATVS ex vico Cassegnabere diœcesis Auxitanæ Gallus, iudicii per omnia perpensi Cardinalis, patriæ suæ negotia pro solatiis accipiens iisdem Romę feliciter in senescere voluit. scripsitque

Expositio

Expositionem in disputationem Iacobi Carpétarii de Methodo.

Additionem ad eandem expositionem.

Epistolas aliquot aduersus Carpentarium.

Quædam in medicina, vt Spachius indicat.

Et alia nunquam excusa. Romæ iacet in Ecclesia S. Ludouici cum hoc Epitaphio.

*D.O.M. Arnaldo Ossato Gallo S. Eusebij Presbytero Cardinali, Episcopo Baiocensi, qui omnium per multos annos Gallicanorum in vrbe negotiorum, Consiliorumque particeps & administrator, rarissimæ in Reges suos fidei, egregiorumque meritorum testimonio sacra purpurâ ornatus, amplissimi ordinis dignitatem, eâ sapientia integritatisque famâ, eâque officiorum in omnes propensione cumulauit, vt sui desiderium exterisque quoque nationibus cum admiratione reliquerit. Vixit annos 67. menses 6. dies 20. Decessit pridie Idus Marij 1604. Petrus Bossu Lugdunensis Cubiculi præpositus à Secretis, & Renatus Cortin Andegauensis à Cubiculo itē & Secretarius, ex trientibus hæredes Patrono optime & indulgentissimo S.P.P.C.*

**Sylvius Antonianus** Romanus Cardinalis, cuius vita à Iosepho Castallione edita est. Romæ & Ferrariæ humaniores literas publice professus est, amplissimaque fortunâ vsus, modicos natales ab obscuritate vindicauit, scripsit

De Christiana puerorum educatione, iussu S. Caroli Cardinalis Borromæi.

De successione Apostolica.

De conscribenda Pontificali historia seu de stilo Ecclesiastico.

De Primatu Petri,

Lucubrationes doctissimas in Aristotelis Rhetoricam & Ciceronis orationes.

Homilias complures.

Orationes 13. Ferrariæ & Romæ habitas quæ nuper editæ sunt.

Explicationes & Censuras varias.

Breuia Apostolica stilo elegantissimo cum apud Summos Pontifices Secretarii munere fungeretur.

De Italia calamitate, carmine.

Hæroica carmina ad Cæsarem. Et alia quædam.  
Ad hæc

Achillis Statii *ἐπιγράμματα* Gabrielis Faerni lucubrationes in Terentium, notis passim appositis, variisque præmonitoriis & liminaribus Epistolis sigillatim præfixis, plurimum adauctavit, emaculavit, præloque commisit. Obiit Romæ die 16. Augusti anno 1604 Sepultusque est in æde S. Marię de Vallicella in qua nondum Cardinalis locum Sepulturæ delegerat hoc appposito Epitaphio.

*D.O.M. Sylvius Antonianus Presbyter Romanus Sacellum ornauit, locum sepulturæ delegit, anno Domini 1580.*

ROBERTVS BELLARMINVS Politianus Marcelli Papæ 2. quem virtutibus reddit, ex forore nepos, Societatis IESV Theologus Cardinalis, plurima in rem Ecclesiæ omnium captui accommodata, quorum utilitatem nemo non videt, scitissimè scripsit, quæ peritissimo cuique vetustatem etiam habitura videntur, Nempè.

De verbo Dei scripto & non scripto libros 4.

De Christo capite totius Ecclesiæ lib. 5.



- De Summo Pontifice capite militantis Ecclesiæ  
lib. 5.  
De Ecclesia tum in Conciliis congregata, tum  
sparsa toto orbe terrarum lib. 4.  
De membris Ecclesiæ militantis, Clericis, Mona-  
chis, Laicis, lib. 3.  
De Ecclesia quæ est in Purgatorio lib. 2.  
De Ecclesia quæ triumphat in Cœlis lib. 3.  
De Sacramentis in genere lib. 2.  
De Baptismo & Confirmatione lib. 2.  
De Eucharistia & sacrificio Missæ lib. 6.  
De Pœnitentia lib. 4.  
De extrema vnctione, Ord. & Matrimonio lib. 3.  
De gratia primi hominis & statu Innocentiæ lib. 1.  
De gratiæ amissione lib. 6.  
De gratiæ reparatione, & statu iustificatorum per  
Christum lib. 14.  
Iudicium de concordia Lutheranorum.  
De Indulgentiis & Iubilæo.  
De translatione Imperii.  
Liturgiam Apostolicam.  
In Carptorem fulminis Xisti. 5.  
Institutiones linguæ hebraicæ.  
Catéchismum Italicè.  
Declarationem Symboli.  
Responsionem ad Doctorem Theologum de  
Censuris aduersùs Venetos, & ad tractatum  
Ioannis Gersonis de excommunicatione.  
Aliam responsionem ad 7. Theologos Venetos.  
In Psalmos.  
Chronologiam breuem quâ nihil circumscriptius  
De scriptoribus Ecclesiasticis.

Et alia quædam opuscula. Viuit hoc anno 1614. ob-  
 situs æuo, assiduóque molimine quanto nisu po-  
 test hæreticorum nebulas, quæ difficultatem a-  
 liquam videntur ingerere, potentiore veritatis  
 lumine, discutit & dispescit.

SERAPHINVS OLIVARIIVS Lugdunensis Gal-  
 lus ex Auditore Rotæ Cardinalis, cui & hoc gloriósè  
 contigit, quod Henrico Magno Francorum Rege, acri  
 ingeniorum æstimatore commendante, purpuram pro-  
 meruerit scripsit

Decisiones Rotæ millequingentas.

Responsionum decisuarum tomum vnum.

Et alia quædam, propediem vt ab hæredibus acce-  
 pi efflagitantibus typographis, in lucem profe-  
 ferenda. Obiit Romæ anno 1609. iacetque in  
 æde S. Trinitatis in monte Pincio.

IACOBVS DAVY DV PERRON Gallus Episcopus  
 Ebroicensis Cardinalis ad stuporem doctus, velut scri-  
 bendi ambiguus pauca emisit sermone patrio, sed pror-  
 sus ad amussim, quæ natiui idiomatis interstrato nitore  
 & singulari expolitione verborum delectu vbique ad-  
 hibito multopere commendantur, videlicet

De ratione intelligendę scripturæ.

De Ecclesia.

De Eucharistia.

De vocatione seu missione Ministrorum Caluini-  
 starum absolutissimum opus quod vel vetusta-  
 ti nimio plus sapiat.

Acta disputationis suæ stato die cum Philippo  
 Morneo apud Fontembellaqueum inite.

Confutationem aculeari opusculi Danielis Tileni

Caluinistæ in Traditiones Apostolicas.

Præfationem certaminis aduersus administratos  
Heroinæ Lotharingæ.

Orationem in funere Petri Ronfardi habitam.

Virtutum Moralium cum Theologicis collatio-  
nem.

Paraphrasin in Psalmum *Ad te leuani.*

Epistolas varias.

Et densata quædam poëmata limato sermone con-  
scripta.

Arduum etiamnum & argumentosum aduersus  
hæreticos molitur opus, auidè ab omnibus cum  
hæc an. 1674. cōmentaremur expetitum, & quidè  
meritò, quando in huius sæculi hæreticos præ  
suo omnis infelix calamus; vnus quippe aduersus  
omnes impari congressione luctator acertimus.  
licet veterum oblitterandæ memoriæ Sectariorū  
recrementis, velut auxiliaribus copiis vndequa-  
que accersitis & corrogatis, illa ipsissima audaci  
strue & præfidentia, pari aut superiore nunquam  
satis coercita libidine, excusso Ecclesiæ leniori  
iugo in farraginem contrulerint, vt alio vocabu-  
lo easdem quisquillas nuncupantes, nouo noua-  
mine volaticam & recoctam nouiter reforma-  
tionem (vt vocant scilicet) publico excogitatam  
exitio, omnisque boni libero eliminato arbitrio  
auocatricem, nouo portento conflarent: quæ ad  
eternas sedes aspirantibus viam obstruit, & gemi-  
natis erroribus omnifariam intercludit.